

В ПОНЕДЕЛЬНИК 3-Я СЕДМИЦЫ ВЕЧЕРА.

На Господи воззвах поставим стихов 6,
и поем настояция подобны трипеснца: и Миней 3.

Стихиры подобны господина Иосифа. Глас 1.

Подобен: Всехвальнии мученицы:

Пост возлюбим, * души страсти лютейшия действием Духа увядающий, * и Божественная деяния деяти укрепляющий, * и ум на небо возсылающий, * и прощение ходатайствующий, * о нихже согрешихом, * даруемое от Бога Щедрого.

Подобен: Всехвальнии мученицы:

Все житие мое студно иждив Господи, * со блудницами окаянный, * якоже блудный умилением зову: * Отче Небесный, согреших, очисти и спаси мя, * и не отрини мене * самого от Тебе удалившася, * и Божественными делы ныне обнищавшаго.

Ина стихира подобна господина Феодора, глас 3:

Подобен: Приидите вси:

Приидите вси в кимвалех псаломских, * честное воздержание целующе, возгласим: * в нем бо мысленно змия злоначального расторгнем. * Темже со дерзновением возопиим Христу: * подаждь Спасе неосужденно всесвятый Твой Крест видети, * и поклонитися, во псалмех * и пениих праздновати светло.

И Миней 3. Слава и ныне, Богородичен:

Прокимен, псалом 43, глас 4: О Бозе похвалимся весь день, и о имени Твоем исповемся во век.

Стих: Боже, ушима нашими услышахом:

Бытия чтение. [Глава 6, ст. 9 – 22.]

Ное человек праведен, совершен сый в роде своем, Богу угоди Ное. Роди же Ное три сыны, Сима, Хама, Иафета. Раствлесе же земля пред Богом, и наполнися земля неправды. И виде Господь Бог землю, и бе растленна: яко растли всяка плоть путь свой на земли: И рече Господь Бог Ною: время всякаго человека прииде пред Мя, яко исполнися земля неправды от них: и се Аз погублю их и землю. Сотвори убо себе ковчег от древ [негниющих] четверугольных: гнезда сотвориши в ковчезе, и посмолиши его внутрьюду и внеуду смолою. И тако сотвориши ковчег: трех сот лактей долготы ковчега, и пятидесяти лактей широта, и тридесяти лактей высота его. Собирая сводом сотвориши ковчег, и в лакоть свершиши его свыше: дверь же ковчега сотвориши от страны: обиталища двокровна и трекровна сотвориши в нем. Аз же се наведу потоп, воду на землю, погубити всяку плоть, в нейже есть дух жизни под небесем: и елика суть на земли, скончаются. И поставлю завет Мой с тобою: внидеши же в ковчег ты, и сынове твои, и жена твоя и жены сынов твоих с тобою. И от всех скотов, и от всех гад, и от всех зверей, и от всякия плоти, два два от всех введеша в ковчег, да питаеша с собою: мужеский пол и женский будут. От всех птиц пернатых по роду, и от всех скотов по роду, и от всех гадов ползающих по земли по роду их, два два от всех внидут к тебе, питаются с тобою, мужеский пол и женский. Ты же возми себе от

всех брашен, яже имате ясти, и собереши к себе, и будут тебе и оным брашно. И сотвори Ное вся, елика заповеда ему Господь Бог, тако сотвори.

Прокимен, псалом 44, глас 6: Помяну имя Твое во всяком роде и роде.

Стих: Отрыгну сердце мое слово благо:

Притчей чтение. [Глава 8, ст. 1 – 21.]

Сыне, ты премудрость проповеждь, да разум послушает тебе. На высоких бо краях есть, посреде же стезь стоит: При вратех бо сильных приседит, во входах же поется. Вас о человецы, молю, и вдаю мой глас сыном человеческим. Уразумейте незлобивии коварство, ненаказанныи же приложите сердце. Послушайте мене: честная бо реку, и изнесу от устен правая. Яко истине поучится гортань мой, мерзки же предо мною устны лживыя. С правдою вси глаголы уст моих, ничтоже в них стропотно, ниже развращенно: Вся права разумевающим, и права обретающим разум. Примите наказание, а не серебро, и разум паче злата искушена: избирайте же ведение паче злата чиста. Лучше бо премудрость камней многоценных, всякое же честное недостойно ея есть. Аз премудрость вселих совет и разум, и смысл аз призвах. Страх Господень ненавидит неправды, досаждения же и гордыни, и пути лукавых: возненавидех же аз развращенныя пути злых. Мой совет и утверждение, мой разум, моя же крепость. Мною царие царствуют, и сильнии пишут правду. Мною вельможи величаются, и властители мною держат землю. Аз любящия мя люблю, ищущии же мене обрящут благодать. Богатство и слава моя есть, и стяжание многих и правда. Лучше есть плодiti мене паче злата и камня драга: мои же плоды лучше серебра избранна. В путех правды хожду, и посреде стезь оправдания живу: Да разделю любящим мя именование, и сокровища их исполню благих.

На стиховне самогласен дне, дважды. Глас 2:

Отче Благий, от всех яже дал ми еси, * обнажи мя безумие мое: * удалихся от Тебе, и поработал странному гражданину, * животная мерзкая пасох, и ни тех пищи насытихся. * Темже притекох к Тебе, * ведый Твое благоутробие: * покрый мою наготу человеколюбием Твоим, и спаси мя.

Стих: К Тебе возведох очи мои, живущему на небеси. Се яко очи раб в руку господий своих, яко очи рабыни в руку госпожи своея: * тако очи наши ко Господу Богу нашему, дондеже ущедрит ны.

Отче Благий, от всех яже дал ми еси, * обнажи мя безумие мое: * удалихся от Тебе, и поработал странному гражданину, * животная мерзкая пасох, и ни тех пищи насытихся. * Темже притекох к Тебе, * ведый Твое благоутробие: * покрый мою наготу человеколюбием Твоим, и спаси мя.

Стих 2: Помилуй нас Господи, помилуй нас, яко по многу исполнихомся уничижения: наипаче наполнися душа наша поношения гобзующих, * и уничижения гордых.

Мученичен: Святым мучеником молящимся о нас, * и Христа поющим, * всякая прелесть преста, * и человеческий род верою спасается.

Слава, и ныне, Богородичен, глас тойже:

От ложеи Твоих девических * свет миру возсия, словом Слово: * Того
моли Чистая Всевытая Дево, * избавитися душам нашим от сетей вражиих.

Во Вторник 3-я седмицы на Утрени,

Троичны гласа. По 1-м стихословии седальны умилительны Осмогласника.

По 2-м же стихословии седален господина Иосифа, глас 1.

Подобен: Камени запечатану:

Постом и молением себе очистим, * и о убогих промышлением Богу угодим. * Воздохнем, восплачемся тепле, * яко имама время обращения: * да плача вечнаго сущаго в пламени геенны избавимся, * славу возсылающе Христу, * покаяние определившему человеком всем, * обращающимся мысли правостию. [Дважды.]

Богородичен: Руце Твои божественнии, * имиже Содетеля носила еси Дево Пресвятая, * воплощенна Божеством, простерши умоли, * избавитися нам от искушений, и страстей, и бед, * восхваляющим Тя любовию и вопиющим Тебе: * слава всельшемуся в Тя, * слава прошедшему из Тебе, * слава свободившему нас Рождеством Твоим.

По 3-м стихословии седален господина Феодора, глас 3.

Подобен: Да веселятся:

Постом веселящися, песньми радующися, * и молитвами державу на вся страсти обносяще, * поперег ловления велиарова, * возопиим Христу последующе: * Крест Твой видети сподоби нас, яко Щедр, * подая нам велию милость. [Дважды.]

Богородичен:

Подобен: Красоте девства:

Богоблаженная Мати Безвестная, * болезнующую мою душу уврачуй, * яко содержимь есмь люте прегрешеньми Богородице. * Отонудуже и зываю Ти въздыханием сердца моего: * прими мя Всенепорочная, многосогрешившаго, * да дерзновением вопию Ти: * радуйся Божие жилище.

Канон в Минеи, и настоящий трипеснец, господина Иосифа.

И стихословится песнь. Глас 1.

Песнь 2.

Ирмос: Видите видите, яко Бог Аз есмь, * порабощенныя люди Израилевы, * Моисею народоводити в пустыни повелевый, * и спасый яко силен властию Моею.

Присвоил мя еси банею крещения, преблагий Отче, богатством всяким украсив добрых: но поработах хотя неплодным помыслом, темже обнищах.

Милостив, милостив, милостив буди ми Господи, суди суд мой мне, праведный Судие, малое мое въздыхание за милость велию прием Христе, и не презри мене.

Совлекшеся скверныя одежды невоздержания, облечемся в светлую ризу воздержания, и светли бывше, светлое Избавителя достигнем востание.

Богородичен: Спаси мя, спаси мя Спаса рождающая: виждь скорбь мою Чистая, юже множество безмерных моих зол притворяет по вся дни, окаянней моей души, от нечаяния.

Иный господина Феодора, глас 3.

Ирмос: Видите видите, яко Аз есмь * Спас мира, * Свет истинный, * Источник жизни, * Сын Божий.

Видите видите, яко Аз есмь, спасение вам источивый, яко Бог, еже воздержанием вси земнии почерпите.

Видите видите, яко Аз есмь, время определивый священное, святое вам, во учреждение душевное, поста поприще.

Слава: Троицу прославим, Единице поклонимся, безначальному безначальнаго Отца Сыну едиnorodному, Духу сопрестольному, и Отцу соприсносущному.

Богородичен: Моли непрестанно Спаса Всенепорочная, Тя Богу усты и душею исповедающим, от всякаго обстояния избавитися.

Слава Тебе Боже наш, слава Тебе.

Велий еси Господи и чудна дела Твоя, яко в рове неснедена показал еси иногда Даниила от львов, постом ограждаема.

Катавасия: Видите видите, яко Аз есмь * Спас мира, * Свет истинный, * Источник жизни, * Сын Божий.

Песнь 8.

Ирмос: Егоже ужасаются ...,

Плачу и рыдаю, час помышляя, вонъже имам предстати престолу страшному, мучением повинен многих моих зол, яже в неведении сотворих, и разуме.

Моисей очистилище пост обрет, Бога разуме единаго Чистаго: душе моя постом очистися, да приближишися Богу Человеколюбцу.

Пост возлюбим, мать добродетелей: пищу возненавидим, родительницу страстей, и воззовем: Отче, Иже на Небесех, спаси нас, спаси молитвами святых Твоих.

Богородичен: Судию, Егоже родила еси Дево Мариам, умоли в час мя суда ущедрити Чистая, и спасти осужденнаго, едина предстательнице роду человеческому.

Иный.

Ирмос: В пламень ко отроком еврейским * снизшедшаго, * Божию силою, * и явльшагося Господа, * священницы благословите, * и превозносите во вся веки.

Постов пресветлую благодать приемше, добродетельми облистаймся, тихая лица, тихия и обычаи показующе, душевнаго устройства.

Постився Елисей, отрока Соманитиде подаде жива. О сем разумеим братие, пост коль добр, коль велик, коль богодарованная благодать.

Благословим Отца, и Сына, и Святаго Духа, Господа.

Троицен: Со Отцем Сыну поклонимся, и Духу Святому в Троице единой, со ангелы зовуще бранными усты: слава в вышних Богу, Иже в Троице.

Богородичен: Отроча раждаещи, девствующи едина Богородованная, тайна великая, ужасное чудо: Бога бо родила еси воплощенна, Спаса миру.

Слава Тебе Боже наш, слава Тебе.

Да никтоже нас унынием и леностию обложится, о братие! время делания, час торжества: кто премудр убо во един день приобрести вся веки?

Хвалим, благословим, покланяемся Господеви, поюще и превозносяще во вся веки.

Катавасия: В пламень ко отроком еврейским * снизшедшаго, * Божию силою, * и явльшагося Господа, * священницы благословите, * и превозносите во вся веки.

Песнь 9.

Ирмос: Светоносный облак ...,

В греховную пучину, во отчаяния глубину, в треволнения помышлений, и страстей бури впад вопию: милости бездно, помози ми, и Твоим благоутробием одожди ми очищение грехов.

Пощением тело, воздержанием дух, слезами душу очистим вернии, и чисти Чистаго светло усрящем, зряще спасительныя страсти, яже претерпе нас ради Избавитель.

Яко мытарь стению, якоже блудница слезю, яко разбойник вопию: помяни мя Щедре, яко слепый зову Ти: Сыне Божий, отверзи очи души моя, ослепленная злобою льстиваго запинателя.

Богородичен: Несекомую гору, непроходимую дверь, вышшую небесе и твари всея, доброту Иаковлю, ручку всезлатую, и мост, и Матерь Зиждителя, Деву ублажим вернии.

Иный.

Ирмос: На Синайстей горе, * виде Тя в купине Моисей, * неопально огонь Божества заченшую во чреве, * Даниил же Тя виде гору несекомую, * жезл прозябший, * Исаиа взываше, * от корене Давидова.

Настоящия дни поразумевше, паче всех священных, молитвы Богу возселем, совестию чистою, часто прекланяюще колена, и глаголюще: Господи, прими моления и молитвы рабов Твоих присно.

Людие седоша, якоже пишется, ясти же и пити, и восташа играти, служаще истуканному Веельфегору: виждь объядения лютыя волны. Мы же постимся, и прославимся, яко великий Моисей.

Слава: Существом Единица есть несекома, Пребожественная Троица, соединяема Естеством, делится Лицы свойственно: несекома бо сечется, едино сущи троится: Сия Отец есть, Сын, и Дух Живый соблюдающая все.

И ныне: Отрокородительницу деву кто слыша, и мать без мужа? Марие совершаеши чудо: но скажи ми, како, не испытай глубины Богорождения Моего, сие всеистинное паче человеческого ума постижение.

Слава Тебе Боже наш, слава Тебе.

Яко Твой гнев нестерпимый на грешники, кто прочее стерпит Господи, от сего прещения? Безмерную имей милость, спаси мя благоутробием Твоим не по делом моим многим и лютым.

Катавасия: На Синайстей горе, * виде Тя в купине Моисей, * неопально
огнь Божества заченшую во чреве, * Даниил же Тя виде гору несекому, *
жезд прозябший, * Исаиа взываше, * от корене Давидова.

Светилен гласа.

На стиховне самогласен дне, дважды. Глас 7:

Согреших, исповедаюся Тебе Господи, * блудный аз, не смею на небо
воззрети очима, * отгуду бо отпад, бых окаянен: * согреших на небо и пред
Тобою, * и несмь достоин нарецися сын Твой, * самого себе отрицаю, * не
требую оглагольников, * ниже паки свидетелей: * имам обличающий мя блуд, *
имам обличающее злое житие, * имам посрамляющую одержашую мою наготу, *
к срамоте же рубы, имиже одеян есмь. * Благоутробне Отче, Сыне едиnorodный, *
Душе Святый, кающася мя прими, * и помилуй мя.

Стих: Исполнихомся заутра милости Твоя Господи, и возрадовахомся, и
возвеселихомся: во вся дни наша возвеселихомся, за дни в няже смирил ны
еси, лета в няже видехом злая. И призри на рабы Твоя, и на дела Твоя, и
настави сыны их.

Согреших, исповедаюся Тебе Господи, * блудный аз, не смею на небо
воззрети очима, * отгуду бо отпад, бых окаянен: * согреших на небо и пред
Тобою, * и несмь достоин нарецися сын Твой, * самого себе отрицаю, * не
требую оглагольников, * ниже паки свидетелей: * имам обличающий мя блуд, *
имам обличающее злое житие, * имам посрамляющую одержашую мою наготу, *
к срамоте же рубы, имиже одеян есмь. * Благоутробне Отче, Сыне едиnorodный, *
Душе Святый, кающася мя прими, * и помилуй мя.

Таже стих: И буди светлость Господа Бога нашего на нас, и дела рук
наших исправи на нас, и дело рук наших исправи.:

Мученичен: Посреде судища законопреступник, * радующеся вопияху
страстотерпцы Твои: * Господи слава Тебе.

Слава, и ныне, Богородичен.

Подобен:

Родился еси от Девы несказанно Христе, * и просветил еси суция во тьме,
вопиющия: * Господи слава Тебе.

НА 6-М ЧАСЕ

Тропарь Пророчества, Глас 7:

Спасение наше еси Господи, * и Защититель в день печали, * помилуй нас по велицей милости Твоей * Человеколюбче.

Прокимен, псалом 45, глас 4: Господь сил с нами, Заступник наш Бог Иаковль.

Стих: Бог нам прибежище и сила.

Пророчества Исаиина чтение. [Глава 9, ст. 9 – 21. Глава 10, ст. 1 – 4.]

Так о глаголет Господь: уразумеют вси людие Ефремовы, и живушии в Самарии, в досаждении и высоком сердце глаголюще: Плинфы падоша, но приидите, изсечем камение, и посечем черничие и кедры, и созиждем себе столп. И разрушит Бог востающия на гору Сионю, и враги Его разсыплет: Сирию от восток солнца, и елины от запада солнца, поядающия Израиля всеми усты, во всех сих не отвратися ярость Его, но еще рука Его высока. И людие не обратишася, дондеже язвени быша, и Господа не взыскаша. И отгьят Господь от Израиля главу и ошпб, велика и мала, во един день: Старца, и чюдящихся лицам, сие начало: и пророка учаща беззаконная, сей ошпб. И будут блажашии людей сих льстяще, и льстят, яко да поглотят я. Сего ради о юношах их не возвеселится Господь, и сирот их, и вдовиц их не помилует: яко вси беззаконнии и лукавии, и всякая уста глаголют неправду. во всех сих не отвратися ярость Его, но еще рука Его высока. И разгорится яко огнь беззаконие, и яко трескот сухой пояден будет огнем: и разгорится в чащах дубравных, и пояст, яже окрест холмов вся. За ярость гнева Господня сторе вся земля, и будут людие, яко огнем пожжени: человек брата своего не помилует. Но уклонится на десно, яко взалчет, и снесть от шуиих, и не насытитися человек ядый плоти мышцы своея: снесть бо Манассий Ефремово, и Ефрем Манассиино, яко вкупе повоюют Иуду. Во всех сих не отвратися ярость [Его] но еще рука Его высока. Горе пишущим лукавство: пишущии бо, лукавство пишут: уклоняюще суд убогих, восхищающе суд нищих людей моих, яко быти им вдовице в расхищение, и сироте в разграбление. И что сотворят в день посещения? скорбь бо вам отдалече приидет, и к кому прибегнете, да поможет вам? и где оставите славу вашу, еже не впасти в пленение? и под убиенными падут: и во всех сих не отвратися гнев Его, но еще рука Его высока.

Прокимен, псалом 46, глас 3: Пойте Богу нашему, пойте, пойте Царви нашему, пойте.

Стих: Все языцы восплещете руками: